



Մ ՈՒՐ Բ Զ Ա Կ ՈՐ

ԱՌԱՋՆՈՐԴԱՆԻՍ ԱՄՅՐ ԵՄ ԿԵՂԵՅԻ



ԲԱՐԵԿԵՆՈՒԱՆ Ս. ԱՍՏՈՒԾԱԾԱՐ ՎԵՐԱՓՈՒՄԱՆ

5 ՕԳՈՍՏՈՍ 2018

Կիրակնօրեայ Ընթերցումներ	Էջ 1
Ծանուցումներ	Էջ 2

ԸՆԹԵՐՑՈՒՄ ԵՍԱՅԻ ՄԱՐԳԱՐԷԻ ԳՐՔԷՆ (7.1-9)

Հրէաստանի Աքազ թագաւորին օրով, որ Յովաթամի որդին էր եւ Ոգիայի թուռ, Ասորիքի Ռասին թագաւորը եւ Իսրայէլի Փակէէ թագաւորը, որ Ռոմելի որդին էր, Երուսաղէմի դէմ պատերազմելու պատրաստուեցան. բայց չկրցան յարձակման անցնիլ: Երբ Աքազ եւ ամբողջ Հրէաստան լուր առին թէ Ասորիքը Եփրեմի հետ դաշնակցած է, թագաւոր եւ ժողովուրդ իրենց սարսափէն սկսան դողալ, այնպէս ինչպէս անտառին ծառերը կը դողան հովին դիմաց:

Այն ատեն Տէրը Եսայիին ըսաւ. «Ե՛լ, հետդ առ քու տղադ որ Շէար-Շաշուբ կը կոչուի, եւ գնա Աքազի քով: Իրեն պիտի հանդիպիս թափիչին արտը տանող ճամբուն վրայ, ջրանցքի վերին ակազանին քով: Այսպէս ըսէ իրեն.-

“Ձգո՛յ՛ եւ հանդարտ եղիր, տակնուվրայ մի՛ ըլլար ու մի՛ վախնար Ասորիքի եւ Իսրայէլի թագաւորներէն որոնք ծխացող երկու խանձող փայտերու պէս երբ գան

... ես քեզ հարուածէն պիտի փրկեմ:

իրենց զայրոյթը քու վրադ թափելու՝ ես քեզ հարուածէն պիտի փրկեմ: Ասորիքի եւ Իսրայէլի թագաւորները քեզի համար չար ծրագիր մը յղացան եւ ըսին. ‘Ելլենք Հրէաստան երթանք, մեր կողմը սիրաշահինք հրէաստանցիները կամ բռնադատենք զանոնք եւ անոնց վրայ

թագաւոր կարգենք Տաբելի որդին՝: Բայց այսպէս կ’ըսէ Երկնաւոր Զօրքերու Տէրը.- Այս ծրագիրը պիտի չիրականանայ բնաւ: Որովհետեւ ինչպէս Ասորիքի մայրաքաղաքը Դամասկոսն է եւ Դամասկոսը կառավարողը Ռասինի տունը, այնպէս ալ Իսրայէլի մայրաքաղաքը Սամարիան է եւ Սամարիան կառավարողը՝ Ռոմելի որդին տունը. բայց ահա վաթսուհինգ տարիէն Իսրայէլ պիտի կորսնցնէ իր թագաւորութիւնը: Դուք ալ, նմանապէս, եթէ Տիրոջ չվստահիք՝ դուք ալ պիտի չկարենաք գոյատեւել”»:

... եթէ Տիրոջ չվստահիք՝ դուք ալ պիտի չկարենաք գոյատեւել

ՊՕՂՈՍ ԱՌԱՔԵԱԼԻ ԿՈՐՆԹԱՅԻՆԵՐՈՒՆԸ ԳՐԱԾ ԱՌԱՋԻՆ ՆԱՄԱԿԷՆ (13.11-14.5)

Երբ երեխայ էի՝ երեխայի պէս կը խօսէի, երեխայի պէս կը խորհէի եւ երեխայի պէս կը տրամաբանէի. իսկ երբ տղամարդ դարձայ, բոլոր երեխայական բաները մէկ կողմ դրի: Նոյնպէս ալ մենք այժմ զԱստուած կը տեսնենք աղօտ կերպով, կարծես հայելիի մը մէջէն. բայց երբ ամէն բանի կատարումը գայ՝ զայն պիտի տեսնենք դէմ առ

... այն ատեն պիտի քանչքան ամբողջապէս, ճիշդ ինչպէս ի՛նք գիտ կը քանչքանայ:

դէմ: Այժմ միայն մասնակիօրէն կը ճանչնամ զԱստուած, բայց այն ատեն պիտի ճանչնամ ամբողջապէս, ճիշդ ինչպէս ի՛նք գիտ կը ճանչնայ:

Արդ, ուրեմն, միակ մնայուն բաներն են՝ հաւատքը, յոյսը եւ սէրը. իսկ այս երեքէն մեծագոյնը սէրն է:

... հոգեւոր
պարգեւներուն
փափաքող
եղէֆ,
մանաւանդ
պատգամա-
խօսութեան...

Ուրեմն սիրոյ
հետամուտ եղէք առա-
ւելաբար: Միաժամանակ
հոգեւոր պարգեւներ-
ընեն փափաքող եղէք,
մանաւանդ պատգամա-
խօսութեան, այսինքն՝
մարգարէութիւն ընելու:

Որովհետեւ, օրինակ, անձանօթ լեզուներով
խօսողը մարդոց չէ՛ որ կը խօսի, այլ Աստուծոյ.
որովհետեւ ոչ ոք զինք կը հասկնայ, թէ պէտեւ
անիկա Հոգիին գորութեամբ խորհուրդներ
կը պատմէ: Մինչդեռ պատգամախօսութիւն
ընողը մարդոց կը խօսի՝ անոնց հաւատքը
ամրապնդելու, զանոնք մխիթարելու եւ
քաջալերելու համար: Լեզուներ խօսողը
միայն ի՛նք կ'օգտուի, մինչդեռ պատգա-
մախօսութիւն ընողը ամբողջ եկեղեցւոյ
չինութիւն կը բերէ: Ես պիտի ուզէի որ բոլորդ
ալ լեզուներ խօսիք, բայց կը նախընտրեմ
որ պատգամախօսութիւն ընէք. որովհետեւ
պատգամախօսութիւն ընողը աւելի՛
օգտակար կ'ըլլայ քան լեզուներով խօսողը,
բացի այն պարագայէն երբ ներկաներուն մէջ
գտնուի մէկը, որ անձանօթ լեզուով խօսուածը
թարգմանէ, եւ ամբողջ եկեղեցին օգտուի:

**ՅԻՍՈՒՍ ՔՐԻՍՏՈՍԻ ԱԻԵՏԱՐԱՆԷՆ
ԸՍՏ ՄԱՐԿՈՍԻ
(2.1-12)**

Քանի մը օրեր ետք Յիսուս վերադարձաւ
Կափառնաում: Անմիջապէս որ լուր
տարածուեցաւ թէ տունին մէջ կը գտնուի,
չատեր հաւաքուեցան հոն, այնքան որ դրան
առջեւ իսկ տեղ չէր մնացեր: Եւ Յիսուս
Աստուծոյ խօսքը կը քարոզէր անոնց:

Այդ միջոցին Յիսուսի բերին անդամա-
լոյծ մը, որ չորս հոգիներ շալկած էին: Երբ
ամբոխին պատճառով չկրցան զայն Յիսուսի
մօտ բերել, քակեցին տունին տանիքը եւ
առաստաղը բանալով՝ անդամալոյծը մահիճով
վար իջեցուցին: Յիսուս անոնց հաւատքը
տեսնելով ըսաւ անդամալոյծին. «Որդեակ,
մեղքերդ ներուած ըլլան քեզի»:

Օրէնքի ուսուցիչներէն ոմանք որոնք հոն
նստած էին, սկսան մտովի քննադատել զայն.
«Ինչպէ՞ս կը համարձակի ասանկ բան ըսել.

ըրածը հայհոյութիւն է: Աստուծոյ զատ ո՞վ
կրնայ մեղքերը ներել»: Յիսուս վայրկեանին
գիտցաւ անոնց մտածումը եւ ըսաւ. «Ինչո՞ւ
այդպէս կը մտածէք: Ո՞ր մէկը աւելի դիւրին
է. անդամալոյծին “մեղքերդ ներուած են
քեզի” ըսե՞լը, թէ “Ե՛լ, ա՛ն մահիճդ եւ տունդ
զնա” ըսելը: Բայց որպէսզի գիտնաք թէ
մարդու Որդին երկրի վրայ իշխանութիւն
ունի մեղքերը ներելու, ահա նաեւ կը բժշկեմ
զայն»: Ու դառնալով անդամալոյծին, ըսաւ.
«Քեզի կ'ըսեմ. Ե՛լ, ա՛ն մահիճդ եւ տունդ
զնա»: Անդամալոյծը անմիջապէս բոլորին
առջեւ ոտքի ելաւ, վերցուց իր մահիճը
եւ դուրս ելաւ: Բոլորն ալ զարմացան.
կը փառաւորէին զԱստուած եւ կ'ըսէին.
«Այսպիսի բան բնաւ տեսած չէինք»:

ՏՆՕՐՀՆԷՔ
Տնօրհնէք փափաքող ընտանիքները,
թող բարեհաճին դիմել
Տ. Գառնիկ Աւ. Քհնյ. Գոյունեանի,
հեռաձայնելով
514 909 5203 թիւին:

ՀԻՒԱՆԴԱԵՐՈՒՄ ԱՅԾԵԼՈՒԹԻՄ
Բարեհաճեցէք հեռաձայնել
Արժ. Տ. Գառնիկ
Աւ. Քհնյ. Գոյունեանի.
514 909 5203 թիւին:

ՀՈԳԵՎԱՆԳԱՏԵԱՆ
ՁԵՐ ԱՐՁԱՆԱԳՐՈՒԹԻՒՄԻՆԵՐԸ
ԱՆԽՕՐՕՔ ԿՁՏԱՐԵՅԷՔ ԿՂՊՈՒԵԼՈՎ
ԵԿԵՂԵՅՈՅ ԴԻՒԱՆԱՏՈՒՄ: